

Siglingastofnun Íslands
Steingrímur Hauksson
Vesturvör 2
200 Kópavogur

2004020035
3000; 9310

Reykjavík, 7. apríl 2004
/--

Efni: Sjóvarnir á Breið, Presthúsavör og Lambhúsasundi, Akraneskaupstað. Ákvörðun um matskyldu.

Vísað er til erindis Siglingastofnunar dags. 16. febrúar 2004 þar sem Skipulagsstofnun er tilkynnt gerð sjóvarna við Breið, Presthúsavör og Lambhúsasunds, Akraneskaupstað samkvæmt 6. gr. laga nr. 106/2000 um mat á umhverfisáhrifum og lið 10 h í 2. viðauka laganna.

Skipulagsstofnun leitaði álits Akraneskaupstaðar, Fornleifaverndar ríkisins og Umhverfisstofnunar. Umsagnir bárust frá Akraneskaupstað með bréfi dags. 5. mars 2004, Fornleifavernd ríkisins með bréfi dags. 1. apríl 2004 og Umhverfisstofnun með bréfi dags. 16. mars 2004. Frekari upplýsingar bárust frá framkvæmdaraðila með bréfi dags. 6. apríl 2004.

FRAMLÖGÐ GÖGN FRAMKVÆMDARAÐILA

Fyrirhuguð framkvæmd

Í framlögðum gögnum framkvæmdaraðila kemur fram að fyrirhugaðar sjóvarnir séu liðir í að koma í veg fyrir landbrot við suðaustur og norðvestur hluta Breiðar, Presthúsavör og Lambhúsasund, Akraneskaupstað. Um sé að ræða 110 m langa sjóvörn á suðaustur hluta Breiðar og efnismagn verði um 1.650 m³, 100 m langa sjóvörn á norðvestur hluta Breiðar og efnismagn verði um 1.000 m³, 80 m langa sjóvörn við Presthúsavör og efnismagn verði um 1.500 m³ og 150 m langa sjóvörn við Lambhúsasund og efnismagn verði um 3.000 m³. Gert sé ráð fyrir að sækja efni í opna grjótnámu við Kirkjuból í nágrenni Hvalfjarðagangna sem notuð hefur verið við hafnargerð og sjóvarnir.

ÁLIT UMSAGNARAÐILA OG VIÐBRÖGÐ FRAMKVÆMDARAÐILA

Í umsögnum Akraneskaupstaðar, Fornleifaverndar ríkisins og Umhverfisstofnunar kemur fram að ekki sé talið að framkvæmdin hafi umtalsverð umhverfisáhrif í för með sér og skuli ekki háð mati á umhverfisáhrifum.

Í umsögn Umhverfisstofnunar kemur fram að fyrirhuguð framkvæmd sé ekki á náttúruminjaskrá og ekki talið að þar sé að finna jarðmyndanir eða vistkerfi sem njóti sérstakrar verndar.

NIÐURSTAÐA SKIPULAGSSTOFNUNAR

Um er að ræða styrkingu sjóvarna á 100 m löngum kafla og gerð nýrra sjóvarna á 340 m kafla í Akraneskaupstað. Framkvæmdin er tilkynningarskyld til ákvörðunar um matsskyldu samkvæmt 6. gr. og lið 10 h í 2. viðauka í lögum nr. 106/2000 um mat á umhverfisáhrifum.

Fyrirhuguð framkvæmd tekur til afmarkaðs svæðis og eru að mestu ofan fjöruborðs en mikilvægasta svæðið með tilliti til lífríkis er neðan stórstraumsfjöruborðs. Skipulagsstofnun telur að framkvæmdin hafi óveruleg umhverfisáhrif í för með sér.

Í samræmi við 6. gr. laga um mat á umhverfisáhrifum nr. 106/2000 hefur Skipulagsstofnun farið yfir þau gögn sem lögð voru fram af hálfu framkvæmdaraðila við tilkynningu, umsagnir og svör framkvæmdaraðila við þeim. Á grundvelli þessara gagna er það niðurstaða Skipulagsstofnunar að styrking og gerð sjóvarna á Breið, Presthúsavör og Lambhúsasundi í Akraneskaupstað séu ekki líkleg til að hafa í för með sér umtalsverð umhverfisáhrif og skuli því ekki háð mati á umhverfisáhrifum.

Skipulagsstofnun vekur athygli á að framkvæmdirnar eru háðar framkvæmdaleyfi Akraneskaupstaðar skv. 27. gr. skipulags- og byggingarlaga nr. 73/1997 m.s.b.

Samkvæmt 6. gr. laga nr. 106/2000 má kæra ákvörðun Skipulagsstofnunar til umhverfisráðherra. Kærufrestur er til 13. maí 2004.

Hólmfríður Sigurðardóttir

Auður Ýr Sveinsdóttir

Afrit.

Umhverfisráðuneytið, Akraneskaupstað, Fornleifavernd ríkisins, Umhverfisstofnun.

